

聖廟祀典圖考

二卷

聖廟祀典圖考

先賢蘧子瑗像



蘧子 瑗字伯玉淮南子作璩呂覽謚成子爲衛大夫蘧莊子無咎之子晉趙簡子將伐衛使史諳往視之還報曰蘧伯玉爲政未可加兵也簡子遂寢兵不出靈公嘗與夫人夜坐聞車聲磷磷至闕而止過闕復有聲公問夫人曰知爲誰夫人曰此蘧伯玉也公曰何以知之夫人曰妾問禮下公門式路馬所以廣敬也夫忠臣與孝子不爲昭昭信節不爲冥冥情行蘧伯玉衛之賢大夫也仁而有智敬于事上此其人必不以闇昧廢禮是以知之公使人問之果伯玉伯玉行年五十而知四十九年之非六十而化外寬而內直自娛於隱括之中直已而不直人汲汲于仁以善自終陳留志祭城有伯玉墓及祠按伯玉襄十四年見傳名德已重必不甚少歷至哀初年孔子主於其家何年之長也全祖望經史問答曾疑之唐開元二十七年從祀贈衛伯宋大中祥符二年封內黃侯明嘉靖九年以史記謂伯玉孔子所嚴事者不當在弟子列改祀于鄉

國朝雍正二年奉

旨復祀稱先賢蘧子

東廡第一位

宋高宗贊 有衛伯玉夫子與居寡過未能存贊使乎以屍諫君友則史魚果得進賢爛然簡書

先賢澹臺子減明像



澹臺子

滅明字子羽武城人史記少孔子三十九歲家語少四十九歲

狀貌甚惡旣受業退而脩行南游至江從弟子三百人設取予去就名施
乎諸侯孔子聞之曰以貌取人失之子羽子貢曰貴之不喜賤之不怒苟
利于民矣廉于行己其事上也以佑其下是澹臺滅明之行也孔子曰獨
富獨貴君子恥之夫也中之矣今蘇州府南有澹臺湖豫章有進賢門進
賢縣皆其南游遺跡史記正義葬兗州鄒城縣水經渠水注陳留縣裴氏
鄉有子羽冢又云冢在泰山南武城縣寰宇記又謂在吳縣南十八里平
城唐開元二十七年從祀贈江伯宋大中祥符二年封金鄉伯明嘉靖九
年改稱先賢澹臺子

東廡第
二位

宋高宗贊

惟子有道天與異容狀雖云惡德則其豐南止江沱學者云

從取士自茲貌或非公

先賢原子憲像



原子 憲字子思宋人鄭康成注魯人檀弓作仲

憲少孔子三十六歲清淨守節貧而樂道夫子沒

隱居于衛子貢相衛結駟連騎排藜藿入窮閭過

謝思思攝敝衣冠見子貢曰夫子豈病乎思曰吾

聞之無財者謂之貧學道而不能行者謂之病若

憲貧也非病也子貢慙去終身恥其言之過也唐

開元二十七年從祀贈原伯宋大中祥符二年封

任城侯明嘉靖九年改稱先賢原子

東廡第三

宋高宗贊

軾彼窮閭達士所賓邦無道穀進退

孰倫敝衣非病無財乃貧賜雖不憚清節照人

先賢南宮子适像




南宮子 迺家語作緇史記作括又稱南宮敬叔魯人孟僖之子居南宮

因姓焉以智自持世清不廢世濁不污獨居思仁公言思義孔子以兄子妻之哀公三年司鐸火踰公宮救火者皆顧府敬叔至命周人出御書俟于宮唯時周禮在魯而典禮尚存者敬叔之功也與孔子俱至周問禮訪樂于老子老子送子以言曰聰明深察而近于死者好譏議人者也博辨閎達而危其身者好發人之隱者也敬叔聞之遂三復白圭云一統志葬鄒縣西按漢書古今人表有南容又有南宮敬叔顏師古於南容則注曰南宮緇也於南宮敬叔則注曰南宮迺也故明夏洪基斷爲二人以南宮緇迺括字子容者爲一人以仲孫說閎諡敬叔者爲一人唐開元二十七年從祀贈鄒伯宋大中祥符二年封襲邱侯政和元年改封汝陽侯明嘉靖九年改稱先賢南宮子

東廡第四位

宋高宗贊 先覺既位簪履並馳尚德君子爾乃兼之羿羿可慚禹稷可師三復此道載觀白圭

先賢商子瞿像



商子瞿，字子平，魏人也。少時，見其父瞿，瞿曰：「子平，汝何如？」子平曰：「臣聞先王之道，在於德義，而不在于財貨。臣聞先王之道，在於德義，而不在于財貨。臣聞先王之道，在於德義，而不在于財貨。」

商子 瞿字子木魯人少孔子二十九歲孔子傳易於瞿瞿傳楚人馯臂臂傳江東矯疵疵傳燕周豎豎傳淳于光乘乘傳齊田何何傳東武王同傳菑川楊何田何又授丁寬寬授碭田王孫王孫授沛施讐東海孟喜琅邪梁邱賀由是漢儒言易者有施孟梁邱之學以漢初言易者有田何故世以別焦費謂曰田何之易以孔子卦象爻象與文言說卦等離爲十二篇而說者目爲章句其實皆本之商瞿案楊慎丹鉛錄云世本石室圖作商瞿上宋景文成都先賢贊以爲蜀人攷瞿上城在雙流此說殊不可信今雙流縣東有商瞿祠墓疑出後人附會蓋孔門弟子無自蜀來者且其時蜀道亦未通又師古儒林傳注云商瞿姓也誤以爲複姓唐開元二十七年從祀贈蒙伯宋大中祥符二年封須昌侯明嘉靖九年改稱先賢

商子

東廡第五位

宋高宗贊

易之爲書彌綸天地五十乃學師則有是子能受授洗心傳

世知幾其神宜彼厥祀

先賢漆雕子開像



漆雕子

開字子若史記作子開白水碑作子脩

蔡人鄭康成曰魯人少孔子十一歲習尚書不樂仕漢書漆雕子十三篇乃子若之後案論語舊本石經俱作彫彫雕本通王應麟藝文志攷證漆雕名啟史記名開因避景帝諱改孔安國于論語誤注開名而其名遂隱幸班氏忘諱直書後世名字昭然家語作漆雕開乃王肅不攷而襲孔注史傳爾唐開元二十七年從祀贈滕伯宋大中祥符二年封平輿侯嘉靖九年改稱先賢漆雕子

東廡第六位

宋高宗贊

仕進之道要在究習具臣而居咎欲

誰執斯未能信謙以自立闕里說之多士莫及

先賢司馬子耕像



司馬子耕字子牛家語作司馬黎耕宋人多言

而躁其兄向魑作亂奔衛乃致其邑與珪而適齊

魑自衛入齊陳成子使爲次卿又致其邑而適吳

吳人惡之乃反趙簡子召之陳成子亦召之卒于

魯郭門之外阡氏葬諸邱輿左傳注在泰山南城

縣西北唐開元二十七年從祀贈向或作滕伯宋大

中祥符二年封楚邱侯政和元年改封睢陽侯明

嘉靖九年改稱先賢司馬子東廡第七位

宋高宗贊手足甚親志異出處魑將爲亂子乃

脫去在污能潔危而有慮內省若斯何憂何懼

先賢巫馬子施像

